

## UGOVOR

**o snošenju troškova po osnovu ostvarivanja prava na besplatnu vožnju u javnom gradskom saobraćaju na području Kantona Sarajevo ratnih vojnih invalida, članova porodica šehida i poginulih boraca i dobitnika ratnih priznanja i odlikovanja za period 01.04.-31.12.2020. godine**

Zaključen između:

1. **KJKP „Gradski saobraćaj“ d.o.o. Sarajevo**, Srđana Aleksića broj 1, kojeg zastupa V.D. Generalni direktor Jakub Kubur, dipl.ing.saob., upisan u sudski registar pod reg.br. 065-0-reg-17-003044, identifikacijski broj 4200055640002, reg. br. obveznika PDV br. 200055640002 (u daljem tekstu KJKP „GRAS“ d.o.o. Sarajevo) i

2. **Ministarstvo za boračka pitanja Kantona Sarajevo**, R.Dž.Čauševića br.1, koga zastupa ministar Hajrudin Grabovica, identifikacioni broj 4200662450000, poreski broj 010786140 (u daljem tekstu: Ministarstvo).

Ugovorne strane dogovorile su se o slijedećem:

### Član 1.

Ovim Ugovorom regulišu se prava i obaveze ugovornih strana po osnovu snošenja troškova korištenja javnog gradskog prevoza za ratne vojne invalide, članove porodica šehida i poginulih boraca i dobitnike ratnih priznanja i odlikovanja na području Kantona Sarajevo, odnosno realizacije prava na besplatnu vožnju u javnom gradskom saobraćaju na području Kantona Sarajevo, a koje proizilazi iz čl. 46. i 47. Zakona o dopunskim pravima boraca – branitelja Bosne i Hercegovine („Službene novine Kantona Sarajevo“, br. 45/12 – Prečišćeni tekst, 26/14, 46/17 i 18/19), za period 01.04. – 31.12.2020. godine, sredstvima predviđenim Budžetom Kantona Sarajevo za 2020. godinu broj 01-11-7382/20 od 11.03.2020. godine („Službene novine Kantona Sarajevo“ broj 10/20).

### Član 2.

Ministarstvo preuzima obavezu da preduzeću KJKP „GRAS“ d.o.o. Sarajevo, za ratne vojne invalide, članove porodica šehida i poginulih boraca i dobitnike ratnih priznanja i odlikovanja koji koriste usluge prevoza vozilima preduzeća na registrovanim linijama, subvencionira puni iznos, odnosno plaća troškove cjelokupnog iznosa koštanja mjesečne karte iz člana 1. tačke E Odluke Upravnog odbora KJKP „GRAS“ d.o.o. Sarajevo broj 37/454 od 15.12.2005. godine o utvrđivanju cijene prevoznih usluga preduzeća, a u skladu sa Zaključkom Vlade Kantona Sarajevo, broj 02-05-25800-12/08 od 03.09.2008. godine.

Iznos plaćanja je 31,90 KM mjesečno po korisniku usluge prevoza vozilima KJKP „GRAS“ d.o.o. Sarajevo za sve zone prevoza – A, B, C i D.

Sporazumom o utvrđivanju stvarne cijene koštanja komunalne usluge Javnog linijskog prijevoza putnika na području Kantona Sarajevo potpisanim u skladu sa Zaključkom Vlade Kantona Sarajevo broj 02-05-44303-32/19 od 30.12.2019. godine prethodno utvrđena cijena nije mijenjана.

### **Član 3.**

KJKP „GRAS“ d.o.o. Sarajevo je dužan da podjelu mjesečnih kupona vrši isključivo na osnovu spiskova korisnika kojima je priznato pravo na besplatan gradski prevoz, a koje KJKP „GRAS“ d.o.o. Sarajevo, mjesečno dostavljaju općinske službe za oblast boračko-invalidske zaštite općina Kantona Sarajevo.

Ministarstvo daje saglasnost da izgled i način distribucije kupona samostalno određuje KJKP „GRAS“ d.o.o. Sarajevo.

### **Član 4.**

Izradu iskaznice vrši KJKP „GRAS“ d.o.o. Sarajevo po nalogu Ministarstva za boračka pitanja Kantona Sarajevo ili nalogu nadležnih općinskih službi na osnovu odgovarajućeg rješenja.

Cijena iskaznice iznosi 2,50 KM, a cijena plastičnih omota za iskaznicu 0,50 KM. Iskaznicu plaća naručilac. Eventualna izmjena načina izdavanja i plaćanja iskaznice će biti naložena odgovarajućom instrukcijom, uz potpisivanje aneksa ugovora.

### **Član 5.**

KJKP „GRAS“ d.o.o. Sarajevo se obavezuje da mjesečno vrši obračun prodaje mjesečnih kupona, te vrši fakturisanje istih Ministarstvu. Sastavni dio fakture je Zapisnik o utvrđenom stanju izdatih kupona, po prodajnim mjestima i općinama, za ratne vojne invalide, porodice šehida i poginulih boraca i dobitnike ratnih priznanja i odlikovanja, ovjeren od strane komisije formirane u KJKP „GRAS“ d.o.o. Sarajevo. Sastavni dio fakture su i potpisani općinski spiskovi korisnika koji su preuzeli kupon.

Ministarstvo zadržava pravo da može izvršiti kontrolu broja izdatih i fakturisanih kupona za ratne vojne invalide, porodice šehida i poginulih boraca i dobitnike ratnih priznanja i odlikovanja.

### **Član 6.**

Obzirom na situaciju sa pandemijom, kuponi izdati za mjesec mart 2020. godine vrijede i kao kuponi za mjesec april 2020. godine, te će faktura po osnovu korištenja javnog gradskog prevoza u mjesecu aprilu 2020. godine biti sačinjena na osnovu broja preuzetih i fakturisanih kupona za mjesec mart 2020. godine, eventualno uvećana za dodatno izdate kupone u mjesecu aprilu, u kom slučaju je neophodan spisak preuzetih kupona.

U slučaju vanredne situacije, po zahtjevu KJKP „GRAS“ d.o.o. Sarajevo, Ministarstvo može dati pismenu saglasnost da kuponi izdati za određeni mjesec vrijede i za naredni mjesec, odnosno služe kao osnova za fakturisanje.

### **Član 7.**

Eventualne izmjene cijena usluga javnog gradskog prevoza, kao i načina i forme dostavljanja mjesečne fakture, regulisaće se ugovorom ili aneksom ugovora.

### Član 8.

Ministarstvo se obavezuje da će plaćanje po ispostavljenoj fakturi izvršiti u roku od 15 dana od dana prijema fakture, a u skladu sa dinamikom priliva sredstava u Budžet Kantona Sarajevo, uplatom novčanih sredstava na transakcijski računa preduzeća broj: 1540012000237552 kod Intesa San Paolo banke, odnosno drugi račun po zahtjevu KJKP „GRAS“ d.o.o.

### Član 9.

Sve sporove nastale u primjeni ovog Ugovora stranke će riješavati mirnim putem. U slučaju da se nastali spor ne može riješiti mirnim putem, sporovi će se riješiti kod nadležnog Suda u Sarajevu.

### Član 10.

Ovaj Ugovor sačinjen je u 4 (četiri) istovjetna primjerka od kojih svaka strana zadržava po dva (2) primjerka za svoje potrebe.

**Ministarstvo za boračka pitanja  
Kantona Sarajevo**

Ministar

\_\_\_\_\_  
Hajrudin Grabovica

Broj: 06-11-1801-3/20  
Datum: 27.03.2020. godine

**KJKP „GRAS“ d.o.o. Sarajevo**

V.D. Generalni direktor

\_\_\_\_\_  
Jakub Kujović, dipl.ing.saob.

Broj:  
Datum:

5087  
31-03-2020

